

施南府志卷之十七

知施南府事王協夢監修

武備

兵事之設王者所以資捍衛也施在前代爲徼外地兵事時勤焉至於

本朝改土歸流治同內地体養生息百有餘年嘉慶初年教匪闖入一時官弁率領士民兵丁勦捕淨盡義勇之節上荷

諭旨褒嘉可知

施南府志

卷之十七

武備

一

文教漸摩人知禮義非復從前獷悍之習是可書也謹志兵事而歷代控制蠻疆之畧卽附於後

歷代兵事

三國志吳志陸遜傳黃武元年劉備率大衆來向西界從巫峽建平連圍至夷陵界立數十屯遜曰此必有譎上疏曰夷陵要害國之關限備水陸俱進今反舍船就陸處處結營察其布置必無他變乃敕各持一把茅以火攻拔破其四十餘營備因夜遁

吳志永安七年二月鎮軍陸抗撫軍步騭征西將軍留

平太守盛曼圍蜀守將羅憲

干寶晉紀王濬治船於蜀吾彥取其流柿以呈孫皓曰  
晉必有攻吳之計當增建平兵建平不下終不敢渡江  
皓弗從

宋書南蠻列傳荆雍州蠻分建種落布在諸郡縣屈武  
陵者有雄谿楠谿辰谿酉谿舞谿謂之五谿蠻而宜都  
天門巴東建平江北諸郡蠻所居皆深山重阻人跡罕  
至焉太祖元嘉六年建平蠻張雝等五十人詣闕獻見  
世祖大明中建平蠻向光侯寇暴峽州巴東太守王濟

施南府志

卷之十七

武備

二

荆州刺史朱修之遣軍討之光侯走清江清江去巴東  
千餘里時巴東建平宜都天門四郡蠻爲寇諸鄉民戶  
流散百不存一太宗順帝世尤甚雖遣軍征伐終不能  
禁荆州爲之虛敝

南齊書南蠻列傳宋泰始以來巴建蠻向宗頭反刺史  
沈攸之斷其鹽米連討不克晉天興二年建平夷王向  
宏向璡等詣臺求拜除尙書郎張亮議夷貊不可假以  
軍號詔特以宏爲折衝將軍當平侯並親晉王賜以朝  
服宗頭其後也太宗置巴州以威靜之

周書列傳蠻者族類蕃衍憑除作梗世爲寇亂逮魏人失馭其暴滋甚有冉氏向氏田氏者隕落尤盛餘則大者萬家小者千戶更相崇樹僭稱王侯屯據三峽斷遏水路荆蜀行人至有假道者太祖略定伊瀍聲教南被諸蠻畏威靡然向風矣

唐書列傳成汭青州人少無行入蔡賊中爲賊帥假子更名郭禹當戍江陵亡爲盜後詣荆南節度使陳儒降署裨校張瓌囚儒以禹凶慄欲殺之禹結千人奔入峽襲歸州入之自稱刺史秦宗權故將許存奔禹禹以剽

施南府志

卷之十七

武備

三

卒三百畀之使討荊州部將牟權於清江禽權取其衆乏又破其將王建肇建肇奔黔州昭宗詔禹爲節度留後始改名汭復故姓天復三年帝詔淮南節度使楊行密圍鄂州朱全忠使韓勅救之諷成汭與雷彥威犄角汭自將而行淮南將李神福壁沙橋擊汭君山敗之火其船衆大潰汭投江死士民皆爲彥威所劫韓勅走還王建遂取夔施忠萬四州天祐中朱全忠表汭死國事請立廟

五代史前蜀世家昭宗天復元年王建攻下夔施忠萬

四州

此後施遂爲蜀所據莊宗同光三年蜀王衍降旋爲後蜀孟氏所據矣

宋史太祖本紀乾德三年正月己酉蜀王孟昶降癸巳劉光義取夔施忠開四州

宋史太宗本紀淳化五年六月賊攻施州指揮黃希遜擊走之

宋史蠻夷列傳大中祥符元年夔州路言五團蠻嘯聚謀劫高州欲令暗利砮援之上以夔夷自相攻不許發兵

宋史列傳史方字正臣開封人天禧中知夔州時富順

施南府志

卷之十七

武備

四

州蠻田彥晏寇施州焚暗利砮方領兵直抵富陽蕩其巢穴窮追至七女柵降之

宋史蠻夷列傳乾興初順州蠻田彥晏率其黨田承恩寇施州暗利砮縱火而去夔州發兵討之俘獲甚衆

天聖九年施州蠻覃彥綰等寇永寧砮

宋史列傳林栗字黃仲福州福清人知夔州屬都曰施州其羈縻郡曰思州施民覃汝翌者與知思州田汝弼交惡會汝弼卒汝翌率兵二千人伐其喪弼子祖周深入報復兵交於二州之境施黔大震汝翌復以重幣借

兵諸崗而乞師於帥府栗曰汝翌實招亂者移檄罷兵  
乃選吏屬往攝兵職以漸收汝翌之權令兵馬鈐轄按  
閱諸州密檄至施就攝州事汝翌不之覺已乃惶恐遁  
入成都事聞孝宗親札賜栗及成都制置使陳峴曰田  
氏猶是羈縻州郡覃氏乃夔路豪族又且首爲釁端帥  
府不能彈壓從其至此如尙不悛未免加兵除其元惡  
汝翌在成都聞之逃歸調集家丁及役八砦義軍於沱  
河橋與官軍戰潰汝翌遁去俘其徒四十三人獲甲鎧  
器仗三萬一千粟取其巨惡九人誅之田祖周懼與其

施南府志

卷之十七

武備

五

母冉氏謀獻黔江田業計錢九十萬緡以贖罪蠻遂安  
宋史孟珙傳嘉熙三年諜報大元兵欲大舉臨江珙策  
必道施黔以透湖湘以二千人屯峽州千人屯歸州以  
精兵五千駐松滋爲夔聲援大元兵自隨窺江珙密令  
劉全拒敵遣伍思智以千人戍施州

元史世祖本紀至元二十一年七月勅荆湖四川兩省  
合兵討又巴散毛崗蠻

元史文宗本紀至順三年正月夔路忠信寨崗主阿其  
什用合崗蠻八百餘寇施州四月師壁散毛大盤追出

三峯蠻野王等二十三人來貢方物

元史李德輝傳至元十四年詔以德輝爲西川行樞密院副使十五年再爲重慶踰月拔紹興南平夔施忠播諸山壁水柵皆下

元史楊大淵傳楊文安字泰叔天水人授驃騎衛上將軍兼宣撫使至元十三年分兵略施州擒宋統制薛忠會大雪遣蔡邦光夜攻殺守將向良奪其城十七年道辨士王介諭降散毛諸峯蠻以散毛兩子入門因進言曰元帥蔡邦光昔征散毛而死可念也帝曰散毛旣降

施南府志

卷之十七

武備

六

而殺之何以懷遠乃擢邦光之子陞爲管軍總管佩虎符賜散毛兩子金銀符各一並賜其酋長以金虎符元史石抹按只傳石抹按只契丹人石抹按只卒子不老襲父職爲懷遠大將軍兼夔路守副萬戶至元十八年大小盤諸峯蠻叛命領諸翼蒙古漢軍三千餘人戍施州旣而蠻酋向貴什用等降其餘峯蠻之未服者悉平以爲保寧等處萬戶

元史李忽蘭吉傳李忽蘭吉一名庭玉隴西人四川南道宣慰使至元二十一年五溪峯蠻思播以南施黔鼎

禮辰沅之界蠻獠叛服不常乃詔四川行省討之曲里吉思汪惟正一軍出黔中巴六一軍出思播都元帥脫察一軍出澧州忽蘭吉一軍自夔門會令鑿山開道諸蠻酋長率衆來降獨散毛崙譚順走避崑谷力屈始降元史石抹狗狗傳石抹狗狗契丹人至元十七年進明威將軍管副萬戶二十一年以蒙古軍八百從征散毛蠻戰於菜園坪滲水溪皆敗之璧守石砦月餘散毛降大盤諸蠻亦降二十四年大將軍移戍重慶

元史塔海帖木兒傳塔海帖木兒答答里帶人宣武將

施南府志

卷之十七

武備

七

軍管軍總管五溪蠻散毛大盤蠻向木的什用等叛從行省曲里吉帥師往討皆擒之殺其酋長頭狗等

明史太祖本紀洪武五年正月衛國公鄧愈爲征南將軍江夏侯周德興江陰侯吳良副之分道討崙蠻夏四月愈平散毛諸崙蠻

明史土司列傳洪武五年征南將軍鄧愈平散毛柿溪赤溪安福等三十九崙十四年江夏侯周德興移師討水盡源通塔平散毛諸崙置施州衛軍民指揮使司明史太祖本紀洪武十四年九月周德興移師討施州

蠻平之

明史列傳梅思祖夏邑人洪武十四年四川水盡源通塔平散毛諸蠻長官作亂命思祖爲副將軍與江夏侯周德興帥師討平之 張銓定遠人副江夏侯周德興征五溪蠻已而水盡源通塔平散毛諸崗酋作亂復副德興討平之封永定伯 功臣錄洪武二十二年宣德侯金鎮駐施州休息士卒控制蠻獠

明史土司列傳洪武十七年景川侯曹震言散毛等崗蠻時寇掠爲民患已命施州衛及施南宣撫覃大勝招

施南府志

卷之十七

武備

八

之如負固請發兵討 二十三年涼國公藍玉克散毛崗禽刺惹長官覃大旺等萬餘人置大田軍民千戶所隸施州衛 時忠建施南叛蠻結寨於龍孔玉遣指揮徐凱將兵攻禽宣撫覃大勝餘蠻退走玉復分兵搜之殺獲男女一千八百餘人械大勝及其黨八百二十人送京師磔大勝於市餘戎開元給衣糧遣之

明史太祖本紀洪武二十三年夏閏四月藍玉平施南忠建叛蠻六月玉遣鳳翔侯張龍平都勻散毛諸蠻 舊衛志徐凱字子安合肥人都指揮使洪武二十三年

從藍玉征散毛鎮南等崗二月克散毛禽散毛土酋刺  
惹覃大旺等萬餘人五月施南司土官覃大勝等亂玉  
命移兵討之擒大勝及其黨男婦八百二十口解磔大  
勝於市師還凱獨先諸將賞賚甚厚玉賜鈔增祿凱陞  
副羌將軍都督

明史列傳張玉字世美祥符人仕元爲樞密院知院元  
亡從走漠北洪武十八年來歸從大軍出塞至捕魚兒  
海以功授濟南衛千戶遷安慶衛指揮僉事又從征遠  
順散毛諸崗

施南府志

卷之十七

武備

九

舊衛志成化元年僉事郁文博按部至施時有川寇餘  
黨竄入衛地博命指揮童鍾督施南宣撫覃彥昇擒獲  
孫居士胡清等三十餘人悉平之

明史土司列傳成化二年搖把崗長官向麥答踵奏鄰  
近洗羅崗長窺知本崗土兵調征兩廣村寨空虛煽誘  
土蠻攻劫乞調官軍勦治

舊衛志宏治間崇寧里民向旺三等助桑柘蠻白觜作  
亂參政李宗同副使徐孜率衛守備夏士麒調兵五千  
搗穴擒旺三等賊三十人追還所掠男婦二千餘口彙

功報上賜幣鈔琮字義方景寧人仕至福建布政使  
宏治中崇教寨民廖玉文等入寇建始之親隴里參政  
林鑛同僉事鄭岳都指揮同知樊華按部至施率本衛  
及瞿塘忠州長寧等衛所官軍先駐要害玉文等十一  
人威攝受欵事平賜金幣又與岳遷學宮於城南門之  
右卽今所鑛閩縣人岳莆田人華荊州左衛人

明史列傳鄭岳字汝華宏治六年進士遷湖廣僉事施  
州夷民自相仇殺有司以叛聞岳擒治其魁餘悉縱遣  
舊衛志嘉靖中支羅土寇黃中叛剽掠川民施南散毛

施南府志

卷之十七

武備

十

二司流劫施建忠鄂楚撫谷虛中奉命征討檄參政曹

三暘

浙江人

督餉副使吳邦彥

吳江人

紀功副使王紹元

歙

人

監軍參政洪逵

寧遠人

督哨指揮湯世傑

襄陽人

坐營沔

陽指揮王楹辰州衛指揮楊某等領永順五寨及本衛  
官軍攻勦黃中聽撫解院磔於市餘黨悉平施南散毛  
土司次第就擒隆慶五年討金崗叛蠻覃壁參政馮成

龍

浙江人

監軍副使張大業紀功

舊衛志正統十三年師壁七十餘處各相攻殺施地大  
震御史蔣誠副使邢端按部至施率指揮童輔督兵討

之追其僞印 成化元年麓川反千戶唐貴領施兵討平之陞賞指揮周溥隨征大藤峽功陞本省都司 正德間戎角村民叛指揮童昶討平之 廣西猺叛指揮童昶率戎角士兵隨征有功陞賞 嘉靖元年散毛覃斌殺忠建田本奪其地楚撫席書檄指揮孫廉督征遁入永順九年施州賊黃馬了等百人流劫雲萬奉節等處川東道檄林衛擒捕偵知馬了乃忠路仇人檄安撫覃正剛擒之二十八年施民譚黃牯流劫巫建歸巴奉萬兩省會勦指揮杜遇伏兵賊巢歸路夾擊擒之

施南府志

卷之十七

武備

十一

萬曆二十年刺惹向明甫與仇爭戰解至省死於獄 二十六年楊應龍叛徵八省兵進勦衛指揮唐一麒夜出殺賊守夜人代其鈴柝遂進破之陞賞有差 四十年忠路土官覃寅化霸佔民田仇殺撫夷章守愚檄指揮唐符勘明伏辜立土漢界碑 崇禎二年木貢民譚正倫與仇互告案未結剖仇者腹殺傷多命指揮唐堯德單騎入穴擒正倫正法當事嘉之 七年流寇猖獗檄調施南東鄉二司進兵勦以指揮鄧宗震唐堯德及僧寂明分督之至巴東平陽壩敗績寂明死之十二月

施南土司覃良士因事在獄土官統兵圍城脅指揮唐復元出良士所過村庄殘滅殆盡

舊衛志明崇禎七年流寇自楚入蜀由巴東過建始衆數十萬居民屠戮大半自是往來不絕十七年獻賊大驅荆民入蜀路出建始又肆殺掠衛有土司之擾里民之變此時流寇尙未入衛以猶僻處故也改革後闖獻餘孽上自川東下達彝陵盡爲賊藪丁亥五月一隻虎卽李過闖賊愛將後降福王賜名赤心者始率十三家餘燼入衛地肆屠掠與土司戰於城南大破之遂移營

施南府志

卷之十七

武備

十二

容美戊子自容美轉屯施南司賴有朱經略招之出後亂興山王觀興者賊黨三家之一僞荆國公其弟昌僞襄陽侯初駐巴東李過去隨遣其僞總兵劉太倉鎮衛殘酷百端會觀興至衛人哭訴乃撤駐南坪民間謂之劉營己丑獻賊餘孽李來亨高必正姚黃等迭至擄人口索金錢贖之辛卯劉體純綽號二虎者至擄無所得盡剝男女衣服赤身放之鳳衛伯牟文綬家居詐賊秦王檄檄之去癸巳孫可望兵自貴州至大索乙未二虎忿文綬欺己自西山發兵侵衛觀興詐稱救衛劉賊擄

衛民劫牟村時文綬已沒洗其家丙申正月觀興已逐  
劉兵屯南坪老營衛民謂之王營旋屯馬寨村丁酉復  
屯衛戍屯戎角村戎角施東境也四面絕壁惟一路  
可上己亥焚衛城驅士民入戎角編伍派役徧搜山谷  
謂之打糧湖川兩督以次招安不聽殺其使甲辰夔府  
西山巴東興山諸賊蕩平賊始懼欲降又爲僞參謀蔣  
尙膺所阻衛舊指揮陶啟唐等與士庶暗結投誠盡爲  
觀興截殺然亦決策投誠矣乙巳正月出山大驅施建  
民同出壯威民扶老攜幼踐踏棄捐死者過半至巴東

施南府志

卷之十七

武備

十三

壓衛人艙底而地方了無人跡始觀興於諸賊爲稍有  
恩繼怒衛背已故脅之出至荊州賴湖督張親臨撫慰  
給粟糧遣徐尙謀送回籍五月抵衛城中屋僅數椽遣  
官靳宗臣同衛舊弁朱純捧檄招安各土司七月設遊  
擊千把領兵防守飭巴東民及塘兵運米接濟時康熙  
四年也尙謀專主民事披荆棘教耕種哀鴻漸集其留  
荆者十二三焉

國朝

齊祖望巴東縣志順治三年李來亨高必正等自歸□

來巴東攻砦崙焚廬舍男婦被擄不殺索財則縱之大江以南則免明年乃移營入施州衛

巴東縣志順治五年譚毅譚宏余大海等不時出沒巴東殺掠無算十月王光興及其弟昌率羣賊駐南坪昌酷虐光興屢戒之少止光興招集難民約束軍旅大江以南賴以少安未幾昌病死十三年光興以官兵漸逼遁於施州衛去之日秋毫無犯康熙三年乃降

按光興卽觀興衛志謂其踐踏死者過半此言去之日秋毫無犯恐未然也

施南府志

卷之十七

武備

十四

陳氏紀畧順治十四年流賊劉二虎復入施州百戶陳世凱率鄉勇敗賊於堰水 十六年川陝總督李國英遣將分兵平忠路賊寇 康熙三年王光興盤踞施州總督李蔭祖檄諸土司擊之殺光興子戎旗光興降 舊衛志施經羣寇之後康熙四年始靖十三年吳三桂據雲南叛僞號周僞檄至施衛守備署遊擊賈進才率官民降八月以進才貪殘革職其僞經歷李純弼夏一麒遊擊徐暹朱棟守備蔣明璉總兵李春儒時彝陵爲戰場軍需嚴酷後三桂敗有僞將軍總兵合窮寇數萬

由施入黔一路搶掠賴春儒多方供給衛人免供輸焉  
建始亦降賊僞知縣婁其才逐舊縣設兵守隘繼易僞  
令張拱極又添總兵冉爲龍不數月檄爲龍巫山改僞  
副將黃孔門孔門欲斬僞令反正事覺不果引兵去康  
熙十七年三桂死

上諭赦從逆餘黨許以維新十七年提督徐檄宣

上德招安至施衛將李春儒率衆投誠而施及建乃反  
正春儒安置荊州以天年終

吳逆平後委祖建藩令建始僞令張拱極匿民間康熙

施南府志

卷之十七

武備

十五

二十年譚宏據四川天成山叛宏獻賊餘黨降我

朝封慕義侯吳叛應逆吳敗復降是秋不自安復叛夔  
屬州縣悉爲所據施建悉陷於逆僞令張拱極執祖建  
藩解賊請賞囚之拱極復僞令建次年賊平建藩歸斬  
拱極懸其首當事尋調建藩以安反側

康熙十七年

皇帝勅諭各省王貝勒將軍督撫提鎮等茲據大將軍  
簡親王等報稱逆賊吳三桂已經身死良由三桂數年  
以來構兵倡亂荼毒生靈罪大惡極故天命殛之當日

准其遷移原欲保全安插始終寵眷詎意其包藏禍心  
輒自行反叛背累朝豢養之恩逞一旦鴟張之勢橫肆  
凶逆擾亂地方元凶旣服天誅脅從宜施寬典凡在賊  
中文武兵民人等皆朕赤子素受國家恩養必非甘心  
從逆或心存忠義不能自拔或勢被驅迫懷疑畏罪陷  
身逆黨朕甚憫焉其各體朕寬大好生之心翻然悔悟  
爭先來歸朕必優加恩賚論功序錄爾等卽宣布德意  
廣示招徠務使懷忠抱義之士順天命以圖全審事幾  
而建績撫綏戡定早奏蕩平以副朕嘉與維新至意故

施南府志

卷之十七

武備

十六

勅

嘉慶元年五月初一日奉

上諭據署湖北巡撫惠齡等奏稱施南府之恩施縣有  
賊屯聚經知縣尹英圖等率領鄉勇分路擒捕殲斃多  
賊洗蕩賊巢該縣等尙爲奮勇尹英圖著卽以同知陞  
補其經歷蔣遇春及把總外委等俱著酌量陞用以示  
獎勵欽此

內閣奉

上諭汪新奏川楚奉節利川賊匪全行撲滅一摺覽奏

欣悅此項川省奉節賊匪竄入楚北利川境內經汪新派令副將樊繼祖統兵堵截並令恩施利川二縣約會川省奉節縣曉諭居民同心併力會合奮剿旋經各該縣尹英圖陳春波周景福會同千總外委等共相激勸督率三縣士民於利川縣長堰塘樓子壩等地方殺死賊匪一千數百餘名生擒賊目四十餘名又因賊分兩股奔竄兵勇亦分兩路追剿殺賊二千餘名生擒二百二十餘名三縣地方賊匪全行撲滅所辦實屬可嘉除汪新等已另加優賚外該省錢糧前已有旨普行寬免

施南府志

卷之十七

武備

十七

此次恩施利川二縣及川省奉節縣鄉勇士民均能齊心奮力同聲敵愾著再加恩將三縣應徵錢糧再行蠲免一年以示獎義推恩無已至意欽此

嘉慶元年五月奉

上諭福寧奏分路痛剿賊匪並焚燒賊人瞭望寺院一摺覽奏欣慰此次旗鼓寨賊衆膽敢直撲來鳳兵卡經福寧督率將弁三路衝殺殲賊多名其分往大堰坪肆擾之賊復經將弁等俟其半渡用礮轟擊剿殺多賊并將河邊高坡賊人之瞭望寺院用火焚燒看來福寧一

路大有起色據稱現俟孫士毅移兵前進兩路夾攻等語孫士毅帶兵早抵茶園溪一帶距旗鼓寨甚近福寧在來鳳剿賊伊斷無未經得信之理當賊匪撲擾來鳳兵卡時若孫士毅乘虛來剿直搗賊巢豈不一鼓集事乃孫士毅尙未移兵前進未免畧遲想孫士毅自因續調土兵未到畧爲等候但旗鼓寨之賊不過么麼蟻聚且經福寧痛加剿殺賊人自己聞風喪膽正當乘此盛勢協力會剿以期迅速蕝事若此旨到時土兵已經調到帶兵進攻固屬甚善倘因路遠未到亦未便久駐等

施南府志

卷之十七

武備

十八

候用兵乏道固不可冒昧輕進亦不可坐失機會著傳諭孫士毅務卽與福寧商同會剿將旗鼓寨紅岩堡之賊悉數殲除早靖地方以副委任至守備陳世文因統赴後路衝入賊隊於受傷後猶手刃數賊被羣匪亂砍陣亡殊堪憫惜陳世文著加二等咨部照遊擊例議卹將此由六百里加緊傳諭孫士毅等知之仍各將殺賊得勝情形迅速馳奏以慰廑注欽此

嘉慶元年八月奉

上諭福寧等奏旗鼓寨賊匪全數蕩平生擒首逆一摺

覽奏欣悅旗鼓寨賊匪經官兵勦殺又築小木城希圖拒守經福寧等督率將弁兵丁四面攻打欲開木城一擁直入將賊巢全行焚燬拏獲賊首勦淨餘匪所辦實屬可嘉福寧前在鎮筸駐守多時一無展布自到來鳳後帶兵殺賊屢次克捷茲又將旗鼓寨賊匪全行蕩平實能改過奮勉自當寬其既往特沛新恩除另降諭旨與觀成同加官銜外福寧觀成著各賞白玉喜字搬指一個金嵌火鏢包一個黃辮大荷包一對小荷包四個其總兵諸神保已降旨賞給巴圖魯名號仍著與慶溥

施南府志

卷之十七

武備

十九

各賞白玉喜字搬指一個大荷包一對小荷包四個其餘帶兵奮勇各員弁俱著咨部議敘其此次打仗兵丁著加恩賞給一月錢糧屯土兵丁鄉勇各賞一月鹽菜口糧以示鼓勵至所奏軍營出力文武各員已照所請獎擢惟閱摺內把總孫應奉兵丁宋如吉等十人砍開木城奮勇先登尤爲超衆出力而福寧等未經列入陞獎單內殊屬遺漏亦已有旨分別加恩超擢優賞矣其陣亡之參將楊治寧著咨部照例議卹著查明該員有無子嗣一併覆奏其餘傷亡弁兵俱著咨部卹賞現在

旗鼓寨賊匪業經掃除淨盡惟驢馬山地方尙有竄聚之賊早經兵勇四面圍困此時福寧諒已與諸神保先後前往攻勦此等困守零星賊匪更可尅日殲除惟當倍加奮勉將該處賊匪及龍馬山之賊一律迅速勦淨以便移兵速赴榔坪一帶會合夾擊擒拏賊目林之華掃除餘孽再邀恩賚又據奏田谷敦供出之王子俊孫仕禹二首犯均係陝西平利縣人已飛咨陝西及襄陽一體嚴拏等語王子俊係邪教有名首犯孫仕禹又係王子俊之師據田谷敦供王子俊於正月間到來鳳地

施南府志

卷之十七

武備

二十

方說孫仕禹現在襄陽一帶叫他傳知同教約期起事是該二犯爲邪教案內傳徒糾衆滋事首惡不可不嚴拏務獲以淨根株王子俊孫仕禹非潛回陝西平利縣原籍卽現在襄陽一帶藏匿或與姚之富同在鍾祥均未可定著傳諭永保畢沅汪新及秦承恩一體嚴密訪拏務期弋獲勿致遠颺漏網復留萌孽方爲妥善又據獲犯供出之楊子敖陳貴武楊瓏潘成富各犯檢查福寧等所奏摺內俱無下落著該總督一體留心查拏務獲毋任乘間竄逸至福寧等此次拏獲之賊匪首夥各

犯除業經正法外其首逆田谷敦唐貴二犯著派委員卽行解京盡法懲治並飭委員於沿途小心管押毋致疎虞又據畢沅奏酌籌善後事宜一摺尙爲妥協著卽照所奏辦理將此各傳諭知之欽此

嘉慶元年九月春

上諭本日福寧等奏勦殺宣恩縣龍馬山賊匪餘黨全數投誠一摺覽奏欣悅此番福寧等督率官兵奮力攻勦將首賊李登敖拏獲其餘夥黨聞風畏懼攜帶家口呈繳器械等項自行投出該處已無賊匪藏匿所辦實

施南府志

卷之十七

武備

二十一

屬可嘉現在宣恩一路旣經肅清而榔坪亟須兵力勦捕福寧現已馳赴該處務須倍加奮勉督率官兵與成德等會合夾攻擒獲首逆林之華等勦淨餘匪迅速蕺事俟奏到捷音再加恩賞此次帶兵之遊擊董寧川尤爲出力著加恩以參將陞補用示鼓勵福寧自宣恩前赴榔坪約幾日可到著將會兵勦賊情形迅速具奏至另摺酌辦龍馬山投誠賊匪一事此等匪徒雖經從賊抗拒但旣自行投出若遽行辦理恐鍾祥榔坪賊匪聞而生畏益堅其梗化之心抵死拒守今福寧等查明賊

日四十四犯暫緩發遣解交施南郡城監禁其餘夥黨  
交地方官妥爲安頓造冊存案亦祇可如此辦理但賊  
目等人數較多且甫經投出難保其不心懷反側著傳  
諭畢沅汪新嚴飭該府隨時留心防範稽查勿令稍有  
疎虞此爲最要至成德處兵力較單尙覺不敷攻勦此  
時惠齡搜捕涼山餘匪自己完竣就近帶兵馳赴榔坪  
而福寧等又已由宣恩移兵會勦與成德惠齡分路夾  
擊賊匪自無從逃竄成德等務須上緊勦辦擒拏賊首  
肅清餘黨尅期蕝功同邀獎賞將此由六百里加緊傳

施南府志

卷之十七

武備

二十二

諭知之仍迅速覆奏捷音以慰厪注欽此

嘉慶二年閏六月奉

上諭額勒登保等奏節經跡探賊踪俱向五家河前去  
額勒登保等趕至白果坪勦賊又竄至馬家壩復經官  
兵躡勦俱逃至宣恩縣之椿木營一帶等語賊匪不往  
北竄又向西奔逸若一直前去係川省西陽一帶不可  
不亟籌堵截至摺內稱入山路遠軍火軍糧不能接濟  
等語此時附近夔州一帶川省現有勦賊之事自難兼  
顧著傳諭汪新飛飭附近施南府各屬星速辦運軍火

糧餉探明額勒登保等帶兵向何處勦賊卽運往該處應用不可遲誤至湖北荆宜一帶如有留守駐防之兵與其在彼閑住何不酌派數百名令參將等官帶領速往聽候額勒登保等調遣此二事俱著汪新就近酌籌妥辦勿稍遲緩爲要至額勒登保等一路官兵不下萬名現今馬瑀帶兵千餘名前赴該處又令汪新於附近地方防守官兵內抽撥數百名前往著額勒登保等自行酌量如兵力尙不敷圍捕不妨於距賊較遠之各標營及義勇內酌派應募是兵力益加壯盛而軍火糧餉

施南府志

卷之十七

武備

二十三

有汪新等辦接濟亦無虞缺乏額勒登保等惟當專心勦辦速擒首逆馳報捷音當計日以待耳將此由六百里加緊又緊傳諭知之欽此

嘉慶二年九月二十三日奉

上諭據汪新奏利川恩施被賊勾引齊起匪徒業經撲滅添派官兵堵截由川竄入賊匪滋擾經兵勇等截擊將恩施勾結之賊撲滅所辦尙好其殺賊陣亡之兵勇等俱著咨部加倍賞卹其圈出之出力文武各員如果始終奮勉著咨部議敘至奉節賊匪楊秀澂湯永禮等

兩股合併擾至利川地方賊衆共有萬餘距施南郡城僅有百餘里距利川僅四十里該縣又無城垣雖經汪新派令副將樊繼祖帶兵前往堵勦又續派參將朱廷荃等馳赴該處但兵力無多不敷勦捕之用現在額勒登保等所勦竄匪已由羊苓橋追殺至王家壩一路而首逆林之華覃加耀復于土橋竄至巴東地方巴東距利川甚近境壤毗連不過一站之路額勒登保等如此時已將林之華等挈獲卽就近移師往勦毋使再有蔓延勾合但額勒登保等僅追勦窮蹙之林之華覃加耀

施南府志

卷之十七

武備

二十四

等無多潰敗賊匪尙不能卽時擒獲任其輾轉奔逸今若再令人人由川竄來萬餘賊匪更恐不足倚恃樊繼祖朱廷荃皆係營員彼此不相統屬且兵力無多調度乏人朕爲此懸厪前景安具奏欲俟黑龍江末起兵到卽同愛星阿酌帶直隸山東山西各兵赴明亮等一路策應今思明亮等追勦之賊早已西竄竹山一帶距襄陽已遠而襄陽又有汪新駐札漢江北岸又有李奉翰防範竟可無須景安在彼著該撫接奉此旨卽同愛星阿酌帶直隸山東山西新到各兵速赴施南利川一帶

督率樊繼祖等將此股竄合賊首楊秀濠湯永禮及餘匪迅速殲擒以靖地方而杜勾結此爲最要並著景安於接奉此旨何日帶兵若干由襄起程馳赴施南督辦之處加緊覆奏至宜綿昨奏官兵奪獲邱家堡等處賊營仍未獲一賊首而賊匪仍竄至岳家院一帶節經傳旨嚴飭並令迅速勦辦本日又據汪新奏四川奉節賊匪兩股合併擾及利川南坪地方已飛咨宜綿派撥官兵與楚省兵勇前後夾攻此股賊匪又係從川省竄逸至楚宜綿身爲總統在彼勦辦多時毫無籌畫任聽賊

施南府志

卷之十七

武備

二十五

匪奔竄又至闌入楚境實屬無能著再傳諭宜綿務當倍加愧奮速將岳家院一帶賊匪勦淨擒獲賊首王三槐徐添德羅其清冉文儔等以期稍贖前愆該處賊匪係自奉節竄來是否卽係總兵德齡等所勦之賊並著飭知該鎮幫同景安等兩面夾擊以期迅速勦盡將此由六百里加緊又緊傳諭知之仍著將擒拏首逆勦殺賊匪情形迅速加緊馳奏以慰厯注欽此

嘉慶二年九月二十八日奉

上諭前因奉節賊匪竄至利川滋擾前經派令景安愛

星阿前往督率樊繼祖等上緊勦辦但相隔稍遠尙未奏報起程該處久乏大員督率爲此正深厯念茲據汪新奏到奉節利川賊匪經恩施縣尹英圖利川縣陳春波奉節縣周景福彼此約會激勸三縣士民無不踴躍爭先力圖殺賊而千總劉尙魁外委劉文玉亦會同率領兵勇一齊奮力攻園生擒賊首邱大才等及殲斃賊首僧海青並挈獲賊目楊士秀等共殲賊三十餘人其餘燒斃者不計其數賊夥全行撲滅覽奏欣慰此次奉節利川會合賊匪不下萬餘尹英圖等以知縣千總等

施南府志

卷之十七

武備

二十六

官能率領士民鄉勇迅速勦除實屬可嘉之至尹英圖周景福陳春波均著超賞知府銜有缺酌行奏補其千總劉忠魁著超陞都司外委劉文玉著超陞守備其分路帶兵之守備陳安信等六人著交汪新查明如果奮勇出力卽以應陞之缺陞用並該三縣應徵錢糧加恩再行蠲免一年以示獎賞衆民所有紳士鄉勇人等亦著汪新查明擇其尤爲出力者爲首賞給六品頂戴其餘分外出力者酌賞七八品頂戴汪新雖在襄陽駐劄但一聞該處匪徒滋事卽分飭各縣設法勦捕果能卽

時戴事辦理尙爲妥協汪新著賞給金盒一個內貯蒲  
萄乾珊瑚豆黃瓣大荷包一對小荷包四個副將樊繼  
祖於賊匪竄至利川長堰塘地方卽會同知縣陳春波  
擊退賊匪俾得三面兜圍痛加殲戮亦著賞給裝鉛子  
魚袋一個花大荷包一對小荷包四個其餘在事之兵  
丁鄉勇著汪新酌加獎賞陣亡兵勇俱從優賞卹但據  
宜綿奏奉節賊匪係楊秀濬湯永禮爲首今汪新摺內  
訊據獲犯供稱祇有湯永禮一犯而楊秀濬未經提及  
該二犯是否卽在燒斃殲擒之內尙尙未就獲此外或

施南府志

卷之十七

武備

二十七

尙有逸犯著汪新轉飭樊繼祖會同該知縣營員等趁  
此勝勢尙緊查拏不可使一名漏網至另片覆奏前此  
在鄖陽黃龍灘渡口擊退賊匪係屬知縣葉治等語此  
事前已有旨交汪新查明如該員始終出力卽咨部議  
叙現在奉節利川賊匪旣經勦除卽有一二藏匿餘匪  
已交樊繼祖會同該知縣營員等分投搜捕足資料理  
豫楚交界地方亦關緊要景安愛星阿竟不必前往施  
南利川卽於途次轉回或仍至襄陽一帶以防賊匪折  
回之路或就近爲明亮等聲援惟在該撫酌量事機緩

急而行不可拘泥顧此失彼爲要又據觀成等奏攻撲老木園焚燬賊卡一摺不但未得老木園賊巢而于驕頂山緊要賊卡亦未能攻克實屬無能無恥且所奏馬瑀陣亡一節早經宜綿等奏到尤屬無謂又據惠齡奏帶兵追截賊匪一摺其所稱在小河口擊賊情形亦經恒瑞秦承恩等奏到且恒瑞慶成雖到興安已落賊後而惠齡尙未馳抵興安更落恒瑞慶成之後實大無能不是惠齡觀成劉君輔俱著傳旨嚴行申飭現在惠齡所追賊匪係李全爲首著責成惠齡恒瑞慶成三人尙

施南府志

卷之十七

武備

二十八

緊設法擒獲勿任與平利賊匪合夥而英善秦承恩亦當留心嚴拏以期迅速就獲再額勒登保等追勦巴東竄匪白二十日奏到後迄今已隔八日未據續有奏報前因利川地方有賊匪滋擾該處與巴東境壤毗連恐與林之華合夥勦辦更爲費手今奉節利川之賊業經勦淨林之華等之勢益孤額勒登保等僅係追勦此等窮竄之徒有何難辦豈尙不知奮勉將林之華覃加耀尙緊擒獲耶再宜綿身爲總統在川省勦辦多時總未能擒一首犯任聽賊匪闖入陝楚地方無能已極該處

賊匪係徐添德王三槐冉文儔羅其清此四犯著責成  
宜綿上緊擒拏務獲不可坐待明亮等到彼致耽時日  
試思奉節利川賊匪多至萬餘該處亦崇山峻嶺乃以  
知縣千總微員尙能激勵士民率領兵勇一鼓直前涉  
歷險阻奪要攻堅拏獲首逆殲盡餘黨而川省白岩山  
老木園西鄉及湖北帽子山竄匪宜綿額勒登保惠齡  
觀成等俱係大員且兵多將廣乃始則藉詞賊巢險固  
不能攻克及至逃逸又不能設法兜截任其東奔西竄  
蹂躪地方經年累月尙未擒渠蕝事彼此相形不知伊

施南府志

卷之十七

武備

二十九

等有何顏面朕實代爲羞之著再傳諭宜綿額勒登保  
惠齡觀成等務宜各發天良愧極思奮趕緊勦辦擒獲  
首逆殲淨餘黨以期稍贖前愆勿再延緩朕辦理軍務  
賞罰嚴明各路帶兵大員等諒所深悉此次奉節利川  
賊匪經知縣千總等立時勦淨卽加等超擢以示優獎  
豈辦理遲悞之大員等竟聽其遷延貽悞竟不將伊等  
加倍治罪乎伊等不可不知愧懼迅速蕝功勿謂朕恩  
可以屢邀伊等之罪可以倖免也至昨據明亮奏擊退  
竹谿賊匪殲賊二三百人督飭將領分投截勦尙未擒

獲賊首一人自因新調吉林黑龍江勁兵未經到彼僅就原帶之兵分投截勦是以未能大加殲戮擒獲賊首尙可暫恕此時吉林官兵早已前至軍營本日又據汪新奏烏爾圖那遜帶領黑龍江官兵五百名及察哈爾頭起馬匹於二十一日自襄陽起程前赴明亮軍營其後起黑龍江官兵及後起馬匹自己陸續到齊明亮等得此精兵健馬聲勢百倍況現在奉節利川之賊經川楚地方官率領兵勇勦辦完竣想明亮等聞之自必倍加欣喜益思奮勉殺賊將首逆姚之富齊王氏尅日擒

施南府志

卷之十七

武備

三十

獲再赴白河平利安康及紫陽石泉等處殲除賊匪方爲不負委任昨已有旨令勒保馳赴湖廣新任該督到彼所有楚省軍務自當令其董率辦理而宜綿亦本係總統但現在勁兵健馬俱在明亮等一路且姚之富齊王氏尤爲賊首中緊要之犯此時所盼者惟明亮德楞泰二人捷報宜綿勒保雖係川楚總督亦斷不肯掣明亮德楞泰之肘伊二人不得因聞勒保現有到楚之信稍存觀望倘目下不能將姚之富齊王氏拏獲而轉被□路拏獲則明亮德楞泰又將何顏對朕現在明亮德

楞泰總當確探姚之富齊王氏踪跡專心設法擒獲此  
二首犯一經就獲其餘黨夥自必望風瓦解易於辦理  
而此外四川賊首徐添德王三槐羅其清冉文儔責成  
宜綿巴東賊首林之華覃加耀責成額勒登保等老木  
園賊首責成觀成劉君輔其竄至安康李全責成惠齡  
恒瑞慶成彼此各辦各賊原不相統率不拘何路將賊  
首擒獲卽屬該處帶兵大員之功何路任賊首縱逸卽  
係該處帶兵大員之罪如此分勦各顧功罪勦辦自易  
爲力明亮德楞泰更不必分心他處務須將姚之富齊

施南府志

卷之十七

武備

三十一

王氏擒獲殲淨竹谿一帶賊匪再探聽白河平利安康  
□路緊要卽帶領勝兵馳赴該處以次勦辦再赴川省  
□勦此爲最要將此由六百里加緊又緊傳諭宜綿等  
並諭恒瑞慶成英善柯藩劉君輔等知之仍將接奉此  
旨伊等如何愧勵及勦截各路賊匪擒獲各首犯之處  
速行加緊馳奏以慰厯注欽此

嘉慶七年六月奉

上諭吳熊光奏酌撤分防兵勇一摺鄉勇一項朕意必  
當於官兵未撤之前先行裁撤藉官兵之勢在彼彈壓

庶可不至周章今吳熊光與德楞泰商辦亦能見及□  
與昨所降諭旨適合朕懷寬慰之至但鄉勇卽撤之後  
尤當設法安置此輩斷非身家殷實之人本係游手無  
業之徒應募來營從征日久好勇鬪狠之風遽難化誨  
一經裁撤旣無口糧可得又無恆業可恃難保其不滋  
生事端殊堪厯慮昨已降旨令經畧參贊會同各該省  
督撫悉心辦理吳熊光尤當審思熟慮妥爲經理務俾  
日久寧貼此爲最要至所云撤出之後酌加獎賞一節  
所見極是朕前旨亦已論及此係第一辦法然亦不可

施南府志

卷之十七

武備

三十二

過厚開冀幸之漸總宜量其功績分別示勸其酌撤鄉  
勇事宜責成知府尹英圖經理所辦亦是尹英圖在湖  
北辦理堵禦事宜最爲出力朕所素悉此項鄉勇本係  
尹英圖由施召募前來今該員已補授施南府知府卽  
責成該員就近管束自能妥協至所稱應撤各兵內請  
將雲貴遠省之兵先行撤回其餘俟大局定後陸續再  
撤等語著卽照吳熊光所議辦理總之撤兵一事較之  
撤勇爲易卽稍爲停待陸續撤完亦無不可又所奏各  
□□等語搜捕零匪無口糧經費請妥爲立議核實□

給等語湖北地方向無津貼一項朕亦素知此等費用無出自係實情今當追勦零匪之時既資該寨勇分段搜捕以助官兵之所不及自不能不給與費用現在吳熊光籌欸撥給惟當核實辦理不至浮冒將來准其作正開銷可也將此由五百里諭令知之欽此

謹按施爲明末流寇所虔劉凋殘特甚迨乎

王師南下肅清滇蜀斯民始慶更生重以吳逆之變茲地復經騷擾至於

武功奮伐苞蘖悉除海滋山陬同嬉

施南府志

卷之十七

武備

三十三

化日嗣是土舍歸誠穴鼠息爭澤鴻漸集涵濡生息百有餘年生齒之繁同乎內地比及嘉慶初年教匪闌人來鳳首被其毒迨兵勇勦捕又復奔逸四出延至六七年之久大兵四合始就蕩平其時官紳盡節士庶效忠義勇之風昭乎遠近允宜詳載以示來茲第事關全省各邑冊檔未全傳聞異辭殊難傳信惟節年捷音奏報

諭旨昭宣謹按年恭載其間同澤之歌

恩綸褒美執戈之義

卹典優隆具見武勲志義諸志焉

施南府志

卷之十七

武備

三十四

施南府志卷之十七終